

臨

川

夢

臨川夢自序

客謂予曰。湯臨川詞人也。歟。予曰。何以知之。曰。讀四夢之曲。故知之。予听然而笑曰。然則子固歌者也。何足知臨川。客愠曰。非詞人。豈學人乎。予曰。明史及王荖堂全集。非僻書。子曾見之歟。曰。未也。予曰。然則子固歌者也。又烏知學人。乃取明史列傳及王荖堂集。約畧示之。客慙而退。嗚呼。臨川一生大節。不邇權貴。遽爲執政所抑。一官潦倒里居。二十年白首事親。哀毀而卒。是忠孝完人也。觀其星變一疏。使爲臺諫。則朱雲陽城矣。徐聞之。講學明道。遂昌之滅。

虎縱因爲經師爲循吏又文翁韓延壽劉平趙瑤鍾離意  
呂元膺唐臨之流也詞人云乎哉然則何以作此四夢也  
曷觀臨川之言乎題牡丹亭曰夢中之情何必非真題紫  
釵曰人生榮困生死何常爲歡苦不足奈何題邯鄲曰岸  
谷滄桑亦豈常醒之物耶樂云如夢醒復何存題南柯曰  
人處六道中嘖笑不可失也夢了爲覺情了爲佛境有廣  
狹力有強劣而已嗚呼其視古今四海一枕窠蟻穴耳在  
夢言夢他何計焉予恐天下如客者多矣乃雜採各書及  
玉茗集中所載種種情事譜爲臨川夢一劇摹繪先生人

品現身場上。庶幾痴人不以先生爲詞人也歟。嗟乎先生。以生爲夢。以死爲醒。予則以生爲死。以醒爲夢。於是引先生既醒之身。復入于既死之夢。且令四夢中人。與先生周旋於夢外之身。不亦荒唐可樂乎。獨惜婁江女子爲公而死。其識力過於當時執政遠矣。特兼寫之。以爲醉夢者愧焉。然而予但爲夢中人說夢而已。固無與於醒者。客果以臨川爲詞人。又何不可之有哉。甲午上巳鉛山蔣士銓書于芳潤堂。

王荅先生傳

湯顯祖字義仍一字若士江西臨川人生嘉靖二十九年庚戌有文在手年二十一舉於鄉忤陳繼儒遂以媒蘖下第萬厯五年再赴會試張居正欲其子及第羅致海內名士以張之延顯祖及沈樸學顯祖謝弗往樸學乃與居正子嗣修偕及第顯祖歸六年迨居正歿之明年癸未始成進士與時宰張四維申時行之子爲同年二相招致之又往除南京太常博士久之稍遷祠部朝右慕其才將徵爲吏部郎上書辭免十九年閏二月以彗星變詔責諫官

欺蔽大開言路顯祖抗疏論劾政府信私人陰掘臺諫語  
仇直數千言謫徐聞典史至任日立貴生書院講學士習  
頓移陞遂昌知縣滅虎放囚誠信及物翕然稱循吏二十  
六年戊戌投劾歸不復出辛丑外計追論議黜之李維禎  
爲監司力爭曰此君高尚久矣不應考法主計者曰正欲  
成其高耳竟削籍里居二十餘年父母喪時顯祖已六十  
七齡明年以哀毀卒遺命以麻衣草屨斂顯祖志意激昂  
風節遒勁平生以天下爲己任因執政所抑遂窮老而歿  
天下惜之所善同邑帥機及李三才梅國禎李化龍後皆

通顯各有建豎。三才督漕淮上招之。答曰身與公等比肩  
事主老而爲客。所不能也。論文以本朝宋濂爲宗。李夢陽  
王世貞氣焰雖盛。皆斥之爲僞體。當霧凇充塞之時。能排  
擊壓下者。只顯祖與歸有光二人而已。所居玉茗堂。文史  
狼籍。雞埒豕圈。雜沓庭戶。蕭閒詠歌。俯仰自得。胸中魁壘  
發爲詞曲。所著四夢。雖留連風懷。感激物態。要於洗蕩情  
塵。銷歸烏有。作達觀空。亦可悲矣。子四人。士遠五齡。能背  
誦三都二京。年二十三死。次大耆。才致有父風。次開遠。崇  
禎五年。由鄉舉爲河南推官。奏論時事。屢膺上怒。責令指

實開遠抗論不少屈。上命削職逮治。左良玉率將士七十餘人。士民數百人。合奏乞留。上爲動容。命帶罪辦賊。十年討平舞陽大盜。以功擢安廬三郡監軍。史可法薦其治行卓異。晉秩副使。十三年與黃得功大破諸賊。將用爲河南巡撫。竟以勞瘁卒。哭聲震郊野。贈太僕少卿。弟季雲亦有雋才云。



論輔臣科臣疏

萬曆十九年

湯顯祖

奏爲星變陳言輔臣欺蔽如故科臣賄媚方新伏乞聖明  
特加戒諭罷斥以新時政以承天戒事臣於閏三月二十  
五日接得邸報見吏部接出聖諭六科十三道邇來風尙  
賄囑事向趨附內之效外之借內甚無公直好生欺蔽  
且前者天垂星示羣奸不道汝等職司言責何無一喙之  
忠以免辱曠之罪汝等於常時每每歸過於上市恩取譽  
輒屢借風聞之語訓上要直鬻貨欺君嗜利不軌汝等何  
獨無言好生可惡且汝等豈不聞官府中事皆一體之語

乎。何每每以搜揚君惡。沽名速遷。爲汝等之職。受何之爵。食何之祿。至於長奸釀亂。而旁觀避禍。無斥奸去逆之忠。職任何在。本都該拿問重治。姑且從輕。各罰俸一年。吏部知道。欽此。大哉王言。正君臣之義。誅邪佞之心。嚴矣。粲矣。南都諸臣。捧讀之餘。不知所以。有云。此必言官以星變責難皇上。致有此諭。臣竊意皇上前大理評事。雒于仁等。狂愚直言。猶賜矜恕。又前伏讀兩次聖諭。一則引咎在躬。一則因星警。逐去左右。蠱惑擅作威福之人。則言官卽有過言。必見溫納。何至令科道盡行切責罰俸。是惟聖明居高

洞遠灼見六科十三道中必有賄囑趨附長奸釀亂倍負  
上恩之處。夫臣之責難皇上既不難於聽宥而聖諭嚴切。  
臣子亦宜各以常憲官師相規。臣今日敢竊附斯義也。夫  
臣子本心自有衷赤。權利蒙之其心始黑。非必六科十三  
道盡然。特一二都給事等有勢利小人相與顛倒煽弄其  
間耳。記曰。人父生而君食之。其恩一也。故子之兄弟相引  
而欺其父。皆爲不孝。臣之大小相引而欺其君。皆爲不忠。  
然豈今之科道諸臣都不知此義哉。皇上威福之柄潛爲  
輔臣申時行所移。故言官向背之情爲時行所得耳。夫人

臣自非天性公直。要取富貴而已。富貴者。明王所以誘天下公直。權奸所以誘天下私邪。皆此具也。使公直者不失富貴。誰當私邪。私邪者。不得富貴。誰非公直。今日不然也。臣不敢汎舉。非言官而言事者。皆以失輔臣意得罪。卽以臣所知言官論之。首發科場欺蔽者。非御史丁此呂乎。此知上恩。效一喙之忠者也。時行知將論其子也。教吏部尙書楊巍覆而去之。惟恐其再入都矣。終言邊鎮欺蔽者。非御史萬國欽乎。此亦知皇上恩。效一喙之忠者也。時行不能辨其賊也。諷大學士許國擬而竄之。猶恨其不極邊矣。

二臣謫外。其他言官雖未敢顯斥時行。而或涉其旁事。及其私人。則有年例及不時補外二法。以牽聳衆言官。使其迴心斂氣。而時行得以滔然無憂。諫之虞矣。惟近日南京御史李用中奏正其子冒籍之法。而時行故以一請塞責。旋行祈請。欲得皇上一語。不礙其子進取。無乃要君甚乎。至於考滿與奏奇捷同日。正用前輔臣張居正故智。其奏捷疏中有牛馬羊不計其數。南中諸臣皆笑曰。此經畧公賀儀也。明日獎敕中必用此事。已而獎敕果有元輔課功之日。正西陲奏凱之晨數語矣。然臣按其日月。則元輔宴

功之晨。正星象示警之夕也。時行能欺蔽皇上。獨能欺蔽天象乎。而言官噤無言之者。正以丁此呂萬國欽爲戒。恐失富貴也。夫知感主恩爲皇上斥奸正法者。反得貶竄。雖皇上恩力不能庇之。故今科道中無義之臣。遂謂皇上不能恩人。并不知所受是皇上爵祿矣。至於言官中賄囑附勢盛。作不忠之事。躐竊富貴者。往往而是。年陞閏陞。以爲例固然矣。故此輩不知上恩。專感輔臣。其所得爵祿。若輔臣與之者。雖他日有敗。今日固已富貴矣。臣亦不暇遠舉。卽如今日吏禮二科都給事。此二臣者。豈不重爲天下僇。

笑哉。夫吏科都給事中楊文舉者。非奉詔經理荒政者乎。文舉所過輒受大小官吏公私之金無筭。夫所過督撫司道郡縣取之足矣。所未經過郡縣亦風厲而取之。郡縣官取之足矣。所住驛遞及所用給散錢糧庶官亦戲笑而取之。聞有吳吏檢其歸裝中金花綵幣殘盤等物。約可八千餘金。折乾等禮。約可六千餘金。古玩器直可二千餘金。而又騎從千人。賞犒無節。所過雞犬一空。迨至杭州。酣酒無度。朝夕西湖上。其樂忘歸。初不記憶經理荒政。是何職名也。夫前所賄賂宴費數萬餘金者。豈諸臣取諸其家蓄而

與之哉。正是刻掠飢民之膏餘。攢那賑帑之派數。以相支持。過送買其無唇舌耳。已而廣賣薦舉。多寡相稱。每薦可五十金。不知約得幾千金。至於暮夜爲人鬻獄。如減凌元應軍之類。又不知幾千金。夫三輔臣皆家蘇徽二郡。文舉之貪。凡蘇徽二郡人士。皆能言之。輔臣獨不知耶。未幾復命。而吏部紀錄。居然首諫垣矣。乃知文舉之貪有所用之也。輔臣亦非不知之也。而從長安來者曰。此闕政府原有別待。文舉再四從中曲處得之耳。夫皇上德意親發內帑金錢。賑救生靈之死。而文舉乃敢貪。賊宴樂。擾害飢民。買



官自竈皇上雖在深宮獨無一人言之乎然文舉雖玷首  
垢久無鳴吠人謂此逆取順守之計或以前人爲創也昨  
見邸報文舉覲顏奏禁諸臣言事矣夫大學士王錫爵因  
公一揚假建言納賄自劾正法此錫爵自起用以來第一  
盛舉也且其奏詞曰以壯夫義士剖肝決命之忠而反資  
市井乞憐之計其詐而辱天下士大夫至此見矣莫不嘆  
美此言得大臣體而文舉乃尤引其意入於箝忌亦可謂  
不成人之美矣夫言事者但酌其便宜何如非必誅其心  
也鄭國浚渠於秦亦利申公竊室爲楚則忠私謀且然况

在公憤若錫爵有大臣之心必先召責文舉如他日書之  
史冊某年聖旨禁人言事謂皇上何如主錫爵等爲何如  
輔臣然文舉之才正辨此耳欲因星變爲皇上斥貪欺明  
公直不可得也彼不知地上有歲荒安知天下有星變乎  
而戕然六科之長明年大計天下吏臣恐文舉家無地着  
金也至於吏科都給事胡汝寧除叅主事饒伸外一蝦蟆  
給事而已不知汝寧何以還故鄉也此二臣者正聖諭所  
謂風尙賄囑者何能爲皇上發人之私正聖諭所謂事向  
走附者何能爲皇上折人之勢然則輔臣欺蔽故習無時

而撤矣。失此不治。臣謂皇上可惜者有四。爵祿者皇上之雨露也。今乃爲私門蔓桃李耳。其實公家之荆棘也。皇上之爵祿可惜一也。若羣臣風靡皆知受輔臣恩。不知受皇上恩。豈復有人品在其中乎。皇上之人才可惜二也。輔臣不破法與人富貴。不見爲恩。皇上之法度可惜三也。陛下經營天下二十年於茲矣。前十年之政張居正剛而有欲。以羣私人囂然壞之。後十年之政時行柔而有欲。又以羣私人靡然壞之。皇上有爲之時可惜四也。臣爲四可惜。欽承聖諭。少效愚憂。伏惟皇上特諭時行。急因星警。痛加

省悔以功相補。無致他日有負恩眷。輔臣國等。堅正相規。無取觀望。以隳時政。其楊文舉。胡汝賓。亟行罷斥。選補素知名節者爲都給事。以風其餘。而別諭都御史李世達等。謹守憲令。簡滌諸道御史。務令在內言事。在外宣風。一意遠賄觸邪。以回依阿還冗之象。如此。豈惟星變永消。臣且爲陛下奏泰階之符也。

臨川夢目錄

卷上

拒弋

隱奸

諧夢

想夢

改夢

星變

抗疏

哮叛

送尉

殉夢

卷下

宦成

遣跛

續夢

雙噬

寄曲

訪夢

集夢

花慶

說夢

了夢

臨川夢卷上

長白明 新春岩正譜

鉛山蔣士銓定甫填詞

秀水錢世錫百泉評校

提綱

我我生進退  
貴古

蝶戀花氣節如山搖不動玉茗堂中說透癡人夢鐵板銅  
絃隨手弄婁江有箇人知重喚做詞人心骨痛史冊彈  
文後世誰能誦醒眼觀場當自訟古來才大難爲用

第一齣 拒弋

人各有能行  
不能

商調 邁池遊

引子 生巾 服上

風雲淺陋打疊攀援手問才人此生能

否蛛絲掣肘龍門開竇咳甚公車猶難罷休

花信風多孰主張不知誰箇馬蹄香分明戲弄彈碁局

勝固欣然敗亦忘卑人姓湯名顯祖表字義仍別號若

士江西臨川人也生而有文在手唾則成珠長而列宿

羅胸筆能扛鼎所喜雙親康健三子聰明卑人二十一

歲叨舉鄉科今當萬厯五年重來會試平生好友四人

同邑帥機隆慶戊辰進士通州李三才長垣李化龍前

歲同登甲榜剩下麻城梅國禎與我尙困公車未膺一



第那帥惟審久官南京膳部郎中李于田已出宰河南  
嵩縣今在京師只有李道甫職居戶部得以常時相見  
我輩平生以經濟相期恥爲俗學獨梅克生意氣雄傑  
最喜談兵每以名將自許今日約他二人小飲敢待來  
也外冠帶末巾服同上外曰馬辭青瑣末緇塵染素衣  
外下官李三才末小生梅國禎外此是若士兄下處了  
不免逕入生兩兄信人也請坐道甫兄朝中有甚新聞  
麼外今早報到廣東羅旁叛獠雖已平服廣西却大飢  
請賑比去年河決徐州七縣逃亡更甚末聞張居正說

劉臺傳應禎兩人俱以門生劾他太甚痛恨入骨去年  
既把劉子畏戍於廣西傳公善戍於定海去了此時尙  
密令地方官在安福縣內搜求他兩家事故必欲置之  
死地哩生長嘆介咳權相所爲一無忌憚至此主少國  
疑之禍方滋未艾矣

二郎神箝羣口占朝堂據皇躬左右丞相威權堪炙手公  
然樹黨新叅暗引蒲州外便是那張四維倚恃金多始賄  
新鄭再賄江陵又賄武清伯李偉太監馮保乃得夤緣入  
相以此屈事江陵不敢少拂其意爲之奈何末他既賣新

甫米已然

尋適其適

鄭將來必賣江陵。若此輩連茹魚貫而起，只恐廟堂之上，  
端人絕跡矣。怕狼狽相偎，貂續狗逐，漸的浮雲鋪厚。生外  
合好優游，肆奸欺。何人後樂先憂？丑扮童上告官人外面  
張不癡太爺來說有要緊話相商。外他是何等樣人？生  
此乃江陵之叔輩也。向年下第，與宣城沈懋學同遊蕪  
陰。在郡丞龍宗武幕中相識的末。他來所言必多隱秘。  
我與道甫兄且向後齋迴避去。外極是極是。同下。生道  
有請。丑張太老爺有請。小淨巾服上。特遣牙人丞相叔  
要收門客狀元郎。見揖入介。若士兄久違了。生太翁從

何處來請坐。小淨管家走出去。丑下。小淨前日舍姪公相向我訪求海內人才。說道當今之世可有雄駿君子如晁董其人者乎。我說道當今才子無過湯沈兩君。舍姪公相聽了大喜。說道叔父賞識自然不差的。

前腔

換頭

休休他親賢下士。憐才罕有。移坐近介舍。姪公相

滿以下科想  
他竟大魁也

問得緊

今番不愧龍頭生

那沈君典怎麼說。小淨他感激非常。卽

送與足下探花送與沈兄。這玉筍班中誰領袖。才高似你

然宰相之子。不便大魁。只好中箇榜眼。爲此差我將狀元

說今科鼎甲務選真正才人。吾兒巋修不消說是一箇了

骨情狀

針裁紙

便托我帶他去拜謝提攜之恩。兄今夜可打點新鮮衣服。明日一同前去。何如做一對明珠向盤內走。敲生肩介。只是日後不要忘記了我。遞宮花是我這朱衣親手。生極承見愛。但小弟新染一病。心神恍惚。手足酸麻。多分不能入場。求太翁婉言覆謝。公相爲感。小淨愕然。介。這是什麼話。兄難道不喜狀元及第麼。生。自知福命淺薄。平生無此妄想。斷不敢當。小淨奇哉。這是什麼意思。背介。甚根由。這隆儀因何壁謝難收。轉介。不是這等說。兄若高尙。就不該來會試。天下秀才費了百萬金錢去行賄賂。還怕輸他。不

着兄竟看得不甚貴重也太覺暴殄天物了

集賢賓尋常杏花難上頭况修撰風流抵多少藏在荷包

防剪結幾曾見要魁星向舉子哀求生士各有志無容相

强太翁不必瑣瑣了小淨呀呀呀怎生倒搶白起我來若

論舍姪公相也是當代名流一朝賢相他的才學只怕未

必不如足下你看四海九州奇才異能之士情願攀鱗附

翼者無門可入今白白送你一箇狀元你反拿班做勢我

倒要請教難道你不中這箇狀元就損傷了他的相業不

成好笑好笑他門生自有可惜你孤寒誰救生可又來公

相○自○寶○其○權○匹○夫○獨○守○其○志○我○湯○顯○祖○卽○使○終○身○窮○困○而○  
死○斷○斷○不○羨○那○鬱○輪○袍○之○富○貴○也○小○淨○我○是○一○片○薦○賢○好○  
意○湯○兄○未○可○不○分○皂○白○既○如○此○只○索○告○辭○了○休○見○否○念○我○  
是○故○人○癡○叟○念○下○外○末○上○外○不○意○江○陵○有○此○一○番○舉○動○若○  
士○兄○真○是○堂○堂○男○子○可○笑○那○江○陵○呵○

不苟則不狗

其實措大亦

章芥耳

簇○御○林○將○名○器○托○蹇○修○市○恩○門○不○覺○羞○只○堪○籠○絡○人○中○狗○  
誰○肯○逐○蜣○螂○臭○末○在○江○陵○方○謂○天○下○之○人○無○不○可○以○羅○致○  
豈○知○公○車○之○上○有○一○措○大○直○以○草○芥○覩○之○耶○世○悠○悠○甘○心○  
貧○賤○不○願○識○荆○州○生○彼○欲○使○其○兒○孫○占○盡○榮○名○美○職○却○要○

臨川夢

卷上

五

畢竟便宜了  
錢

我二人爲他陪襯。豈知彼以爲貴人。皆賤之。彼以爲美人。皆醜之。只怕時衰運去。瓦解冰消。咳。沈君典呀。沈君典。你好沒分曉也。

令人狂省

琥珀猫兒墜。蒼顏玉貌。轉眼幾骷髏。何況榮華不到頭。千般智巧。積愆尤。陽秋暗去。明來多少。恩讐外。見前次會試。

不合罵了陳眉公。以致太倉見抑。今日又拂此老之意。只恐場屋中。又有一番暗算。生小弟若復進場。是不智矣。明朝呵。做一箇。

夢語含辛

尾聲。場前下第。劉蕢友借疲驢。臥夢過蘆溝。外末。吾兄此。



愈王行實錄  
案後書

去勝於畫錦榮歸矣。羨你中了箇不附權門的冷狀頭。生  
請到裏面小酌去。同笑下。

## 第二齣 隱奸

淨披巾素筆蒼髯扮隱士上

粧點山林大架子。附庸風雅小名家。終

南捷徑無心走。處士虛聲盡力誇。獮祭詩書充著作。蠅  
營鐘鼎潤煙霞。翩然一隻雲間鶴。飛去飛來宰相衙。老  
夫陳繼儒。字仲醇。別號眉公。江南華亭人也。少年頗工  
八股文字。做秀才時。與董思白。王辰玉兩人齊名。學校  
年未三十。焚棄儒冠。自稱高隱。你道這是什麼意思。並

隱曲如是而已

擇術可敬

云云喻于利

非薄鄉相而厚漁樵正欲藉漁樵而哄鄉相騙得他冠  
裳動色怎知俺名利雙收又得董思白極力推尊更托  
王太倉多方延譽以此費些銀錢飯食將江浙許多窮  
老名士養在家中尋章摘句別類分門湊成各樣新書  
刻板出賣賺得那一班鼠目寸光的時文朋友拜倒轅  
門盲稱瞎讚把我的名頭傳播四方而此中黃金白鏰  
不取自來你道這樣高人隱士做得過做不過我又想  
道單是士大夫敬重弄錢畢竟有限因而把飲食衣服  
器皿各件東西設法改造新樣騙那市井小人遂致財

山林靈照場  
指心寒

一篇供狀字  
字從肺肝流

源滾滾所以古有東坡之內今有眉公之糕古有李斯  
狗枷今有眉公馬桶笑介竟弄得海外聞名朝端推重  
由他地方官欽差官薦舉爭來自比康齋翁白沙翁徵  
詔不動而且記私讐常時傾陷正人借清議暗裏把持  
朝局大笑介自古至今一箇窮工極巧的買賣竟被我  
陳眉公做化了即使天下後世有人看破行藏又當不  
得我的書畫實在精妙他們也不忍一筆抹倒何況我  
的香火子孫布滿藝林這一箇隱逸之名直箇安如泰  
山穩如磐石也丑僅上文章不賤賣金帛難強求小人

回來了。淨那毛文龍怎麼講。丑他說一篇壽文。怎要得  
一萬銀子。況且你那一位山人。又不是舉人進士。想來  
文字也甚平常。我如今用一副表禮。便可去求狀元的  
佳作。爺他如今不要你做了哩。淨怒介。阿呀。這匹夫好  
無禮也。

仙呂入  
雙調

風入松。他能開神臂萬鈞弓。那識毛錐輕重。多年  
海上。貔貅擁。豈沒有金沙銀汞。丑爺本來要得太多了。淨  
狗才。你知道甚麼。自仇鸞以來。邊將虛報錢糧。十分得利。  
這萬金何足爲多。丑便是這等。也是他的財喜。與爺何干。

可見

吁可畏哉

淨狗才我的文章當今王侯將相誰不敬重他一箇邊將敢來戲弄此誓必報丑這有甚麼譬恨他的錢在爺的貨在不過是做買賣何必生此閒氣淨狗才多講罷了待我想一箇法兒不論遲早總斬他這顆首級下來才知我做山人的辣手呢慢慢的做含沙射工飛暗箭叫你戰袍紅小淨上窮酸弱強難擡舉富貴通融易作成眉公先生有麼淨呀原來是不癡老丈請坐連日有何貴幹不見枉駕小淨說起來氣煞人淨請教小淨只因舍姪公相今科要選一箇真正才子中狀元弟當日在蕪陰認得

一箇江西人好意舉薦他。他反粧喬不肯承受。說出許多迂濶可笑的話來。你道可惱不可惱。淨是何名姓。小淨叫做湯顯祖。淨驚介此人乃天下狂妄之徒。如何算得才子。老丈錯認了人。當得發惱。小淨他的才學是一無二的。先生不要說壞他。只是爲人情性古怪。總由福薄所致。淨不瞞老丈說。老夫向年大受厥累。他却也被我作弄的不小。小淨有這等事。願聞其略。淨那一日在太倉家中相見。太倉說此乃當今第一才人。是我的門生。小淨如何。淨我見他身材短小。面龐清瘦。如何看

得上眼。因新造了一所書房。要他題一匾額。他欣然把筆而寫。小淨所寫何字。淨他寫的是可以栖遲四字。小淨這也罷了。淨老丈你怎知其中就裏。

前腔他毫端有鬼筆。如風暗裏包藏譏諷。他說我與王衡相好。就暗用上文衡門之下罵我。我二人本是文章道義金蘭重。豈燕子依人梁棟。小淨這就實在輕薄可惡了。淨不但此也。又一日我自稱山人。他道山人爲何不在山中。却在宰相門下。老丈你說叫我如何當得起。小淨這等說。他竟把一箇高人認做篾片了。淨可不是麼。罵得我巢由。

耳聾就是婁師德也難容小淨先生怎的處置他淨我看  
太倉意思必定要中他會元被我費盡心機用水磨功夫  
今日一句明日一句纔把太倉激惱了我將貝錦把他文  
章掩將簀口把他名聲亂纔障了眼紗紅恰好太倉入場  
做總裁不料這狗頭篇篇錦繡十八房一齊嘆賞太倉便  
硬了腸子老了臉皮吹毛求疵抹了一兩句說此卷文字  
雖佳却有語病留在下科去中罷因此把溫岐黜方千放  
孟郊逐劉幾因落得罵冬烘

小淨妙阿小弟也是這箇法子舍姪公相分付考官尋



他卷子塗壞不料遍尋不見想是頭場被貼了及昨日  
把點名冊子吊來一看竟連他的姓名也沒有了豈非  
真正古怪乎內鼓吹介丑上新狀元遊街了小淨我與  
先生上樓去憑欄一看淨使得內鼓吹小生小旦正旦  
冠帶簪花引隊子繞場下小淨哪哪那箇榜眼就是  
舍姪公相的公子張剛修了淨妙呀

**前腔**風標畢竟不相同信是當朝相種那兩箇是誰小淨

狀元是宣城沈懋學也是了不得的大才探花是敝同鄉

曾朝節淨恭喜鼎甲三人貴鄉竟有兩箇小淨這也是一

平反不爽

定之理先生不見前朝江西人當國那一科不是一箇兩箇最可笑是永樂二年三鼎甲皆是吉安人真正沒天理如今還算公道呢由來衣鉢師生重是氣運輪流翻弄下樓介淨小厮明日備禮物去賀喜張太師小淨不勞費心告辭了淨老丈你對令姪說那湯顯祖下科也不要申他方好小淨這箇自然總是舍姪公相在一日他一日休想淨前日看令姪八字還有五十年富貴小淨如此說湯生今世休想了叫紅杏廳他墳塚纔見得主司公

請了下淨小厮今夜查清縉紳上衙門官職叫長班開

七字通期

應爾費

樹水月在手  
如是如是

無聊

清街道寓所明日從大學士起一順拜去不可遺漏一  
家方見我做隱士的周到丑曉得淨文人武將恨難忘  
自有稀奇報怨方他日毛文龍見殺算來要靠董其昌

下

### 第三齣 譜夢

場後挂玉茗堂匾前設商調  
橫案書本筆硯生上  
引子 風馬兒蝴蝶年年向我飛虛

空捉住希夷著南華十九皆遊戲因緣起滅一切是耶非

由他虎豹守天門且作嘲風弄月人皮裏春秋圖外注  
冷吟閒醉獨傷神我湯顯祖自丁丑拒絕權門歸來六

盡信書則不  
斯無者

陸川夢

卷上

十一

載不復入京會試。總因眼中認定富貴。一時名節千古。  
八箇字兒。所以義命自安。怨尤俱泯。但情懷萬種。文字  
難傳。只得借此填詞。寫吾幽意。日來撰就牡丹亭傳奇。  
草草成篇。尙未脫稿。咳。世鮮知音。誰能嘆賞。且待娘子  
吳氏出來。商量斟酌一番。再謄正本爲妙。旦同婢上。言  
情心鏡朗讀曲口脂香。官人新詞改定了麼。生正待娘  
子點勘一過。旦請問官人。古來亦有如杜麗娘柳春卿  
其人者乎。生晉朝武都太守李仲文。廣州太守馮孝將。  
兒女還魂事。頗相類。但人世之事。非人世所可盡。自非

通人恒以理相格耳。凡人之情，不知所起，一往而深。生者可以死死，死者可以生生，而不可死死而不可復生者，皆非情之至者。夢中之情，何必非真？天下豈少夢中之人乎？試與娘子細看來，且妙阿！如此言情，真是廣大靈通也。生取曲本對坐，同看婢下介生。

日人口中說  
紅文如許迷

曲

金絡索春從想處歸。愛向緣邊起。生自何來死？又因何

及這情絲一綫微。受風吹逗入花叢。幽夢裏尋來覓去。渾無迹。病重愁深只自知。難迴避。仗花神老判暗扶持。可憐咱一箇魂兒可憐他。一箇人兒不再向亭中會。且這柳生。

臨川夢

卷上

主

一發痴得奇妙哩

娘子口中說  
柳生愈癡痴

甜香必皆臨  
川哲人

前腔心從好夢依像自荒園拾一朵花魂緊緊跟隨你這  
珊瑚影漸移下來遲叫得他金蠶繞墓飛這幽媾冥誓兩  
篇比驚夢尋夢時愈覺纏綿淒楚也搵得他紅生腮斗春  
回體漾得他喜透眉渦暖到臍綢繆細約來朝活轉做夫  
妻閃屍屍一箇魂兒軟丟丟一箇身兒向泉下偎扶起

官人文心之妙一至于此只怕沒有這等可意之事  
生娘子但云理之所必無不妨情之所或有管他則甚

婢捧茶上卽下生

金瓶大干

買上便貼  
之點動

人車周旋不  
堪深究

傷心語

前腔情將萬物羈情把三塗繫小雅離騷結就情天地娘

子這麗娘與柳生是夫妻愛戀之情那杜老與夫人是兒  
女哀痛之情就是腐儒石姑亦有趨炎附勢之情推而至  
於盜賊蟲蟻無不各有貪嗔癡愛之情惟有忠臣孝子義  
夫節婦能得其情之正耳人苟無情盜賊禽獸之不若雖  
生猶死富貴壽考會何足云是生來覺與知共迷癡認不  
出鬼做人身人做鬼那一邊兵戈擾攘加官職這一搭雲  
雨荒唐怕別離難收拾有誰能奈透箭鋒機娘子我這一  
本牡丹亭阿幾年間撥盡寒灰吸盡空杯成一串鮫人泪

僮持札上麻城梅國楨老爺差人寄書在此生取來可

留來人住下候領回書僮應下生拆書介國禎奉書若

士兄台足下自丁丑都門別後十月間大起奪情之獄

吳中行趙用賢鄒元標君子數人各受杖謫而去弟亦

歸里不復有進取之志今年六月江陵已死喪棺返楚

輜重七十餘舟所過用夫役三千人死猶赫赫如此明

年癸未會試不可再遲特此相訂歲底束裝到京相聚

伏惟照察原來權相已死了旦官人那張江陵也是大

有本領之人何以一旦得罪名教至此生此乃國家氣



愛觀看破賣  
情云何

史冊分明生  
香不斷

沈沈沈生自  
不可少

運所使他也不能自主了

前腔途窮任逆施海濶憑風勢虎背高騎箭急弦難制爲

此把哀哀至性移怕人提戀闕忠誠如是耳從來權奸之

輩不可一日無官不可一刻去位牢依黼座偷權力巧借

天威用劫持娘子你看水山旣倒朝局必變從此媚江陵

者必攻江陵將來一敗塗地定有削官籍沒之禍咳張叔

大呀你在生好不貪恩也苦苦的爭閒氣到頭來鐘鳴漏

盡敗如灰且那沈狀元如何了生沈君典本是我輩偶然

把持不定被他羅致當奪情時他却再三苦諫又典司空

和處點明王  
名乃知人在  
生中

此篇與題結  
思可謂空外  
應空幻中尋  
公教手應心

李幼孜反覆辯論遂毅然引疾而去舊年亦病故了日可  
惜可嘆生怨得他年少心期終不是貪榮輩

旦官人何時啟行生既承克生相約趕到揚州度歲罷  
旦今年玉茗花開得十分茂盛敢爲官人報喜也生你  
看他葉厚有稜花色深歲寒不受雪霜侵日從此免招  
桃李妬陽春白雪遇知音

#### 第四齣 想夢

老旦上情花開意蕊智果發心香不信相思字中含泪  
萬行老身乃婁江俞家一箇養娘便是我家員外安人

不可思議

方不是小青  
一箇人見解

早年去世只留一女名喚二姑係我乳養扶持今年一  
十七歲嬌艷聰明多愁善病終年終日守着兩架遺書  
翻閱不倦比那做秀才的趕科場還加緊要常時叫我  
到街坊上購買詩書以供消遣前日老身不合買了一  
本新曲叫做什麼牡丹亭說是江西一箇才子做的他  
便朗誦低吟忘餐廢寢不但淒淒楚楚感嘆那做夢的  
美人更是痴痴迷迷要我訪問那填詞的才子你道偌  
大世界我是一箇女流從何問起被他唧唧噥噥絮聒  
不了因而想道他既是文人必然讀書應舉爲此去托

萬象不生太  
虛獨倚

一語是臨川  
知已

東鄰張元長許子治兩箇相公代爲尊覓方才伏侍二  
姑梳洗已完只得回去走遭正是夢裏難完心上事眼  
前誰是意中人下左右設兩書案小旦持曲本上

青玉案心頭魘地添留戀沒理會愁千片幾度尋愁尋不  
見疑真認假從因生現空際思量遍

坐介梅花落盡柳成絲雲雨荒臺豈夢思萬古騷人心  
不死文章做到返魂時奴家俞氏小名二姑蘇州婁江  
人也年方十七不幸雙親早世孤苦伶仃依着一箇養  
娘讀書度日前日購得牡丹亭曲本乃是江西湯顯祖

其此蕙眼方  
詳觀者

所著看他文字之中意旨之外情絲結網恨泪成河我  
想此君胸次必有萬分感嘆各種傷懷乃以美人香草  
寄托幽情所謂嬉笑怒罵皆是微詞咳非我佳人莫之  
能解湯君哪湯君你有這等性情了悟豈是雕蟲篆刻  
之輩世上那些蠢才看了此曲不以爲淫必譏其艷說  
你不過是一箇詞章之士何異癡人說夢那里曉得你  
的文章都是國風小雅之變相來啣

梁州新郎春雲無着微風舒卷搖曳文心幽情發揮奇妙  
中藏萬古情天是你叅尋知覺打破虛空筆下開生面笑

是作者自道  
日苦不但品

題入於

他蟲兒求配偶。蟻兒旋都向聲聞結幻緣。咳。但不識湯君。是箇古人。還是箇今人。令我有生不同時之嘆。男女慕人。天願無端。魂夢隨君顫。何必做柳耶眷。

向左案坐介。昨日將此曲用蠅頭細字批注一過。幽思苦韻。更比原文沉痛。可惜作者不能一見展曲觀介。卽以事迹而論。這杜麗娘畢竟是箇癡人。方才生出種種情境來。啲。

人生識字  
悲如  
美不自知何  
須人見水中

漁燈兒。他一不合銀鈎寫錦字。松烟二不合關雎咏。鄭注毛箋三不合菱花照容光。自憐四不合歎無人。瞧見說春。

鏡裏孽障由  
生

風誤了嬋娟。

從奴見瑩排  
場不測

作支願睡介扮睡魔引柳生杜女上場立定睡魔先下  
柳杜顧盼迷離攜手下小旦醒起立作態介呀方才朦  
朧中明明看見柳生與麗娘在那里做夢

臨川絕唱心  
手俱融

前腔那不是暗傷懷柳畔梅邊却怎的苦思量死後生前  
爲甚麼泉下難忘夢裏緣便做到墳開活現也虧他土兒  
中睡滿三年

坐右案睡介扮疣童荷鋤柳生持香石姑春香扶旦繞  
場下小旦醒介咦咦咦杜麗娘真箇活轉來也起立作

臨川夢

卷上

七

二幅遊魂小影

態唱

錦漁燈這一箇軟丟搭手扶肩支不住前合後偃那一箇笑迷奚口粘唇度不了熱氣香涎偎着他半冷肌膚似裏綿剛熨轉凍秋波一線可認得是人間

坐左案睡介生旦攜手引春香石姑舟子搖船繞場下小旦醒介今番真箇成了夫妻向杭州去也起立作態

唱

錦上花朝同坐夕共眠成人後情更顛還記得春蠶死後吐絲纏辭了地瞞過天脫鬼趣想夫憐說甚的天公不老

字字幽香夏  
吳獨造



月難圓只要寸心堅

〔坐右案睡介〕扮杜寶柳生冠帶同行陳黃門捧鏡退行  
照麗娘冠帶繞場下小旦笑醒介嘖嘖嘖好笑那杜平  
章與黃門官一對蠢才全沒些兒見識哩

錦中拍弄得箇鬼和人向天門鬧喧看人鬼相懸比似你  
人做鬼怕君王看見不許他鬼爲人識爹娘顏面問平章  
甚件閨門恁偏管不住嬌兒夢眩爕理得陰陽倒顛鬼把  
人纏人將鬼戀畢竟是鬼三台家教淺

老旦上訪來個強真名士歸告書猷女秀才二姑你在

此則甚。小旦我在此做夢。老旦青天白日做甚麼夢。敢看見杜麗娘和柳夢梅麼。小旦笑介。倒被你猜着了。老旦我方才去見張元長相公。問他可曉得箇湯顯祖。他說道。此人乃當今無雙才子。表字叫做湯若士。年紀不上三十歲。是一箇倔强男兒。道猶未了。那許子洽相公恰好來訪。便一同坐了閒話。老身就問那湯若士。可是箇秀才。張相公說他二十歲中了舉人。其時因張居正閣老要他拜在門下。中他狀元。他却恥附權門。不待會試。一直走了。在家閒居六載。直待去年張閣老死後。他

特筆

未經人道

威力具足天  
地無權

卓論乃出香  
口

今年方去會試簇簇新新中了進士呢小旦點頭介果  
然如我所料老旦你如何曉得小旦大凡人之性情氣  
節文字中再掩不住我看這本詞曲雖是他游戲之文  
然其中感慨激昂是一箇有血性的丈夫他寫杜女痴  
情至死不變正是借以自況所謂其愚不可及也

錦後拍他怎肯沒來由受人憐守着這無瑕白璧自安眠  
靠天教活轉靠天教活轉只這些兒不許閻羅輕賤御袍  
紅那借丈人牽就是權相不死終身不中湯先生自有千  
古者在一箇甲科何足爲先生重乎可笑那杜麗娘呵識

見淺要夫婿官花雙顫險些兒被桃條打散夢中緣

老旦許相公還說道今科新進士中張甲徵申用楸二人俱是當朝宰相之子那張四維申時行兩位相爺素知湯爺大才要他去見年伯那里曉得這位湯爺說道我若肯登宰相之堂前七年已及第了小旦喜介好一箇湯先生也老旦

味美于同

夷然不屑之態如且

北罵玉郎帶上小樓他定力能持志節全一任青雲際雁序聯獨向那慈恩寺裏避同年說平生看盡雲煙因此一番芥蒂不但不能得一館職就是京曹官也不能發竟把

寫才絕點噴  
五流珠

山峭潯清生  
北極漢

他除授了一箇南京太常寺博士。小旦唱介咳。可憐老旦  
試當朝相權。試當朝相權。教你往留都冷坐寒瓊。湯爺全  
不介意。即便赴任去了。束琴書半肩。束琴書半肩。自去掃  
高皇陵。殿自去辦南朝祭典。守容臺一代官懸。守容臺一  
代官懸。領受着王涯樂府周澤齋錢張相公。又說道似這  
等鐵心腸。江西老倔強。難纏怪得把杜平章柳衙內向臺  
端放匾。

小旦悶絕坐介。老旦二姑怎聽了這些說話。發起悶來。  
待我去取茶來你喫。下小旦長嘆介咳。湯先生湯先生。

此文字性情  
相契非同兒

大才色關心  
較時表之

每聞清歌解  
與奈何

我俞二姑一片柔情從今被你收攝去了也

尾聲他只怕姓名附入權臣傳受懷惶甘心貧賤我俞二姑若能與你添香磨墨死也甘心打叠起一片春魂向臨川身畔展下

第五齣 改夢

生三鬚紗仙呂鵲橋仙閒曹清曠陪京瀟洒看遍山谷水  
帽便服上引子  
態乾坤何處寄情懷把舊曲從容刪改

黃雞白晝奈愁何兒女英雄恨事多難覓人閒消遣法  
苦敲檀板唱勞歌下官湯顯祖自癸未登第後除授南

關合生情

既無何如恐  
不任答

京太常博士忽忽五載去年八月遷授南京祠部主事  
久習豆籩之職仍居禮樂之司也罷了向時取唐人  
霍小玉傳演爲紫簫院本草稿不完傳鈔已過日前好  
友輩勸我完成此曲新秋多暇不免刪潤一番我想霍  
小玉這箇妮子始以墜釵結緣終以賣釵成病比杜麗  
娘的婚姻却是正大光明然麗娘未病而夢旣死還生  
小玉則已病而夢從生竟死仔細思量畢竟是這一股  
紫燕釵兒作祟也

桂枝香霍家人賣恰被盧家人買語喃喃向舊婦分離尾

對得好笑

紗帽之下  
行文學共賞  
點筆

涎涎。赴。新。娘。插。戴。恨。無。情。燕。釵。恨。無。情。燕。釵。不。念。雕。梁。巢。  
在。空。梁。泥。壞。病。難。捱。只。落。得。悶。掩。樓。中。鏡。痴。尋。夢。裏。鞋。  
只有李十郎這厮。最爲可恨。那盧太尉。不過偷享些陞。  
遷。降。調。之。權。那。管。得。離。合。悲。歡。之。事。苟。能。拚。棄。微。名。何。  
必定諧佳配。

前腔。官銜纔拜。婚姻還再。但低頭宰相威權全失。記夫妻。  
恩。愛。是。天。資。忌。猜。是。天。資。忌。猜。漫。把。屏。風。遮。蓋。難。脫。斑。犀。  
冤。債。辱。抹。了。狀。元。牌。這。般。牛。馬。襟。裾。貴。說。甚。風。雲。月。露。才。  
那黃衫客。空有俠腸。全無辣手。却怎的不誅了這負心。



賊來也。

男心本係多  
事便不丟開  
怎的

前腔雄心無賴刀鋒不快既憐他石化南山怎忍見禽填  
東海嘆當年燕釵嘆當年燕釵雙飛難再單栖難耐我想  
古今缺陷正多傷心不盡如李十郎輩誠何足道罷罷罷  
掩卷介我且暫丟開但將愁向天邊寄一任憂從地下埋

小生三鬚紗帽便服引中淨上乘聽武子言情曲代寄

山公啓事書下官帥機字惟審臨川人也官南京膳部

郎中與湯若士同鄉至友特來相訪來此已是快通報

中淨有人麼丑上什麼人中淨帥爺到丑家爺在書房

以下曲白皆  
用管司吏詞  
帶中句語見  
玉茗堂文集

中請進去。小生若士兄。生惟審兄來了。請坐。小生兄在  
此吟詩。小弟走來做催租人了。生取曲本。介就是紫簫  
舊曲。今改爲紫釵記。正要送來求正。小生妙極。待我袖  
去細細領教。袖曲介。今日京中選君李維禎有書相寄。  
說朝右慕兄才望。將微兄進京爲吏部郎。托我致意。故  
來相告。生笑介。弟行年三十九歲矣。宦情已盡。不復西  
向長安而笑。何取於此乎。小生兄之心事。我自知之。但  
李永甯美意。似不可却。必欲爲之。兄可寫一札。弟當代  
寄如何。生使得。待我就此寫。丑送茶。生拂紙寫介。

南昌

過曲紅衲襖上寫着病稻康拜覆函下寫着老山濤親賜

覽既得與奉陵祠令我多方感若說起改京曹愁予七不堪便做道老爲郎心久甘一任他熱因人吾未敢僕在南

方如魚之有水精氣之有根宅也其斷不宜於北地者有

五君不見鴻鴈來賓短翅離襟也趁秋風還向南

小生

兄不宜於北地是那五件生兄阿竊聞養兒待老

豈可相離南都去家風水順利舟行安穩迎養半月可到北路車馬勞頓老親如何去得此其一也

前腔

可憐他苦依栖一箇男忍教他老奔馳千里站做不

陵寢趣也

臣○夢○  
得○搬○爺○娘○至○性○因○官○淡○守○妻○兒○微○軀○食○祿○慙○况○弟○失○偶○二○  
年○矣○亡○妻○遺○下○兩○子○阿○邁○八○齡○阿○耆○六○歲○晝○食○夜○眠○用○父○  
代○母○添○衣○視○病○惟○我○是○依○此○其○二○也○那○里○是○卧○沙○鳬○抱○子○  
愁○都○只○爲○落○巢○鴉○無○母○慘○可○笑○我○兒○女○情○長○愧○煞○英○雄○也○  
因○此○把○孝○和○慈○兩○下○擔○

更○可○慮○者○郎○官○六○品○俸○錢○四○萬○京○中○租○屋○買○水○一○馬○二○  
隸○每○年○所○用○不○下○七○萬○錢○兼○之○慶○弔○燕○飲○入○不○敷○出○南○  
京○食○用○省○減○都○無○大○累○此○其○三○也○弟○身○體○瘦○弱○寢○食○失○  
時○則○病○病○則○擇○藥○而○服○京○中○朝○請○謝○謁○常○至○申○酉○方○能○

午餐既病之後。又無名醫良藥。乞假太類堂官所惡。其何以堪。此其四也。丑送茶介。小生聽兄如此議論。阿

前腔。生怕染御爐香。將鷄舌含。說甚麼點朝班。把鵝序站。

豈真爲混魚龍。曼倩因飢感。一任他賣風雲。侏儒索米貪。

請教還有第五件呢。生若提起第五件。一發可笑了。北地

雪高水厚。食炕餐煤。糞灰填於耳鼻。溝穢中於臟腑。青蠅

橫集。白蛉暗飛。弟乃多病之人。土風不宜。必損年命。此其

五也。况夫邇中軸者。不必盡人之才。遊閑外者。未足定人

之短長。安道上大有其人。何取於僕。寫介語。不云乎。人各

假懣之性可  
遷邪風不同  
腐鼠

逝者如斯夫

臨川夢

卷一

三

有章假仰冷淡厯落隱映者此亦鄙人之章也惟明公哀  
憐成其狂斐顯祖拜覆小生起背立介呀看他如此光景  
真箇宦情盡矣咳他意兒誰解探他話兒誰掇賺轉介若  
士兄我與你一卧滄江遲暮相憐也都做了不成絲繭內  
蠶

生書已寫就托兄寄去便了小生如此告別生紫釵記  
尙求直筆裁削小生好說顏唐吏隱共浮沉生舉世何  
人識此心小生虛說平生賤溫飽合十年清泪比江深  
請了分下

第六齣 星變

扮四星官各戴本象盔引大旗分寫室二犯江兒水分躔

火猪壁水獐婁金狗胃土雉字面旌上

二犯江兒水分躔

列舍旋轉處分躔列舍舒芒垂大野輝輝閃閃整整斜斜

拱天垣圍帝車室俺營室星官姓關都迦尼乃蛇頭天蠍

之子也壁俺東壁星官姓陀難閻乃林天婆婁那之子也

婁俺婁宿星官姓阿含婆乃乾闥婆天之子也胃俺胃宿

星官姓跋伽毘乃閼摩天之子也室請了我等四星同隸

北天門下今當下界萬曆十九年閏三月只因君王年幼

宰輔弄權黜陟不明賢奸雜進上天垂象示儆彗星合當

現於我等四星之次。列位星官。須索靜候者。衆有理。合唱  
作勢介。衆手作雲遮羣工。矜狎邪面。厚如靴。身軟如蛇。爭  
光暗欺。初出月萬。歷皇爺自強。如嘉靖皇爺。長洲相業。更  
不及江陵相業。却比那老嚴嵩畧嫩些。

同立高處介。小旦舞衣花冠。雉尾持長帚上。

前腔。妖星光射。奉玉勅。妖星光射。憑俺除穢者。俺天彗星  
君。奉上帝勅旨。現象於室壁胃婁之次。俺姊妹三人大姐  
名長星。三妹名孛星。各有執掌。惟我所司。掃除污穢。你看  
俺手中這一把帚兒。好不利害也。橫擔斗柄。倒插箕舌。掃



緊不姿

塵氛一片邪。俺在嘉靖時曾現七次。隆慶時現一次。這萬  
曆十九年來已現四次。自洪武元年到今共現三十六次  
矣。不見兎盈。豈惟聞鬼載車。方朔誰耶。晏子誰耶。台星對  
俺箕帚。妾列位星官請了。衆天彗星君請了。小旦俺奉差  
相擾。幸勿見怪。衆好說。請星君展放靈輝。我輩借光多矣。  
小旦持帚橫空繞場介。合歲在龍蛇。轉璇璣。歲在龍蛇。年  
當中葉。轉氣運年當中葉。衆星下走陣介。又累他管窺天。  
隻眼斜。

同下。二監引老旦捧詔上。司天臺上方陳變聖主宮中

自省愆。咱家司禮監萬歲爺着咱到午門外。叫齊科道官兒。宣旨。噉孩子們。就此出官去。扮四官跪接介。老旦奉聖諭。六科十三道。邇來風尚賄囑。事向趨附。內之效外。外之借內。甚無公直。好生欺蔽。前者天垂星示。群奸不道。汝等職司言責。何無一喙之忠。以免辱曠之罪。汝等常時。每每歸過於上。市恩沾名。屢借風聞之語。訕上要直至見廷臣。嗜利不軌。鬻貨欺君。汝等何無一言。好生可惡。汝等受誰之爵。食誰之祿。乃敢旁觀避禍。無斤奸去惡之思。職任何在本該一并拿問重治。姑且從輕。

各罰俸一年吏部知道可將此旨謄發各省以求直言  
欽此謝恩衆萬歲萬歲老旦你們做的什麼官兒把  
天上的掃帚星都鬧出來叫萬歲爺生氣鬧什麼去罷  
下衆掩面散下

第七齣 抗疏

生冠越調帶上引子霜天曉角星辰示異天變非無謂主聖能容臣  
直求言詔下南畿

本詩蘭署江南花月新封書纔上海生塵心知故相喚  
還得直取當今丞相喚下官湯顯祖今乃萬厯十九年

此篇全用湯  
公本跡裁剪  
更文疎密合  
度

閏三月二十五日接見邸報欣知聖主以上天星變切責科道奪俸有差因而大開言路令天下臣工皆得論列時事大哉王言正君臣之義誅邪佞之心我雖備職南都敢以寒蟬自棄可笑同寅中紛紛議論或謂此必言官以星變責難聖上致有此論我想前者大理評事崔于仁狂愚直諫聖主尙加容恕且兩下聖諭一則引咎在躬一則遂去左右盡惑擅權之輩則諫官卽有過言定蒙採納豈有合臺盡行切責之理必是聖上灼見科道中實有賄囑趨附之事故發此詔爲此一志齋心

以文爲曲一  
氣卷舒不見  
兼經義跡可  
云五金一爐  
無所不化

敬草一疏論劾輔臣科道庶不負食祿輸忠之義也。坐  
案上介待我就此寫來。

近入破南祠郎顯祖啓。應詔抒愚直。奏爲廷臣交賄公然  
陰用蒙蔽。群肆奸欺。臣謹誠惶誠恐。稽首頓首。伏念人臣  
衷懷本赤。受恩知各。欲忠良相矢。一自蒙權利。心變黑樂。  
貪鄙不復顧名節。廉恥科道合司。暗改朝堂風氣。大權移。  
黨惡朋奸。將何取譬。

臣聞記曰。人父生而君食之。其恩一也。故子之兄弟相  
引而欺其父。皆爲不孝。臣之大小相引而欺其君。皆爲

不忠豈當今諸臣不知此義蓋因皇上威福之柄潛爲  
輔臣申時行所移故言官向背之情爲時行所得耳

破第二厚祿貴官所以酬公直朝廷權柄私門援作恩例  
吮癰舐痔脅肩諂笑由他怒喜正士心寒投簪去矣

御史丁此呂首發科場欺蔽申時行恐將論及其子以  
吏部尙書楊巍覆而逐之御史萬國欽終言邊鎮欺蔽  
申時行恐露其贓叫大學士許國擬而竄之其他言官  
或涉其旁事忤其私人一一降誥以爲牽聳

袞第三那更考功奏奇捷媚竈剛同日收掠馬羊人奏疏

敗塵星變

畢竟爲長洲  
動清界限

失國體笑經畧聊申賀禮攘竊勲封正用江陵前智帝可欺只天象難瞞遣星官掃穢

丑捧茶上老爺請茶喫老爺今日填詞爲何穿起冠帶

來生我在此寫本丑敢是要學楊繼盛老爺麼生正是

丑如今沒得嚴嵩要參那箇生狗才多講還不進去丑

老爺弗要管閒事你終日做曲子天下事無非是戲何

必認真生哇還不走丑這頂紗帽要出脫了做鬼臉下

生時行妄爲如此凡無義之臣遂謂皇上不能恩人共

所得爵祿皆出輔臣之賜卽如吏科都給事楊文舉呵

自然傾瀉亦  
要亦錄

歌拍奉詔賑恤貪污尤異經過地方凡官吏恣婪索盡無  
遺綵緞金花以及折乾等禮似山堆敲剝災民拋妻賣兒  
中亥第五他賣薦舉醫囚配朝暮西湖醉問柳尋花樂忘  
歸全不念差何職救誰飢滿載還朝首臺垣印累累三相  
吳人難推不知

至於禮科胡汝寧以秦饒仲高桂取嫡政府不過一蝦  
蟆給事而已覩然人面不足挂齒臣爲皇上可惜者有  
四

煞尾荆棘盈庭私室栽桃李無人品喪臣節玷朝儀陛下



經營天下二十年矣。前十年之政，張居正剛而多欲，以群  
私人，囂然壞之。後十年之政，申時行柔而多欲，又以群私  
人，囂然壞之。伏乞聖明，令申時行急因星警，痛自改悔，無  
負厚恩。輔臣許國等，堅正相規，無取觀望，以隳時政。其楊  
文舉、胡汝寧二人，卽令罷斥。選補素知名節者爲都給事，  
以風其餘。策風雷，逐奸回，伏惟陛下肅整乾剛，嚴厲勿遲。  
疑以免昇平諸般可惜。

出破若還鑒臣秉愚忠，感格除妖彗。庶泰堦祥符瑞應，協  
天紀。臣無任瞻天仰聖，激切屏營之至。

吸下學東之  
貶

本已寫完明日遣人齎送上京去朝陽縣鳳不聞聲却  
讓秋蟬應候鳴朝奏九重甘夕貶不煩灑吏笑南征下

第八齣

哮叛

丑戎裝狼頭盔中呂引隊子番兵上過曲

粉孩兒轟轟的據鹽池騰萬馬看當

年元昊再生甯夏賀蘭山排列如虎牙開漁陽戰鼓重搥

俺哮承恩本是韃靼遺種父親哮拜在嘉靖年間投歸中

國屢立戰功官拜甯夏都指揮母親施氏懷孕在身吾父

夢見空中震響天門開裂火光中有一神虎飛入吾母脇

下是夜生下俺來狼面梟蹄名曰承恩吾父于萬曆十七

撫軍之謂何

年致仕俺承襲副將之職今已四載俺素存大志多蓄蒼  
頭匠耐近日巡撫黨馨這厮于俺名下兵馬錢糧事事裁  
抑俺前者偶然強娶民女爲妾他將我一細二十打得我  
恨比海深仇如天大昨日又勒捐鎮兵花布錢糧俺便暗  
中挑唆先鋒劉東陽許朝二人叫他今早統兵反入帥府  
殺却一班庸臣方洩我恨跳唱介赫連刀龍雀爭譁把靈  
州官吏齊殺

淨中淨戎裝各提首級引隊子上

紅芍藥憑鑽刺保着烏紗憑貪鄙擁着高牙逼迫的人心

虎變鼠

居之不疑者  
大都自負也

分辦

怒難納假斯文不能招架淨俺劉東陽中淨俺許朝淨因  
撫院尅薄逼反鎮兵我二人氣忿不過幸得哮將軍指教  
特來報命見介丑二位將軍得利了中淨這是副使道石  
繼芳首級淨這党馨躲在廚房水洞中被我搜出擒拿一  
劍如切瓜哮將軍你看他這副嘴臉不羞慚自稱官大  
中淨被我挾制總兵張維忠叫他奏報只說是侵糧激變當  
下把衙門燒燬奪了兵牌印信如今請教還是按兵靜候  
招安還是乘勢奪取各堡丑事已至此豈可歇手二位  
此攻掠弄些子女金帛大家受用這慶王府中所有東西

待我自去劫掠便了。淨中淨有理。衆將官就此先取河西一路努力殺向前去。衆喊介得令。響颼颼城湧鳴沙。亂紛紛池躍花馬。

〔下〕小生短鬚同旦戎裝生家將隨上

耍孩兒鐵壁銅牆誰得下。衆志成城日說甚麼亂賊如麻。

小生我平鹵堡叅將蕭如薰。旦我楊氏乃尙書楊兆之女。

小生夫人今日探得河西一帶已陷四十七堡。亂兵所到。

勢如破竹。這賊將土文秀連日攻打甚是利害。我們雖然堅守。只怕人心不固。奈何。旦君爲忠臣妾豈不能爲忠臣。

善人教民七  
年才可以卽  
戎矣

凡能應變者  
必從後者

之妻家將過來生有旦可把我箱篋一并抬出營門所有  
釵環衣物盡行散給軍士并傳諭說道倘三軍無心固守  
不妨散去我夫婦與此堡命共存亡誓無他志教他想一  
想平日丁寧話生下內喊介衆兵受將軍夫人平日教養  
之恩如同兒女今日又蒙厚賞惟有同心死守上報朝廷  
倘有負將軍夫人者身爲齏粉小生旦同洒泣介軍心定  
矣賊兵上小生急登城射死一賊衆下卒報介稟將軍夫  
人知道方才中箭死的名叫哮雲乃是哮拜義子旦妙呀  
屹崢崢如斗孤城大反覺得軍容服

全下貼冠帶携小旦世子上

會河陽賊湧如河矢飛似鴉。涸天潢甚處覓枯查。我乃慶  
王正妃方氏兒呀。你父王被賊劫去。不知如何下落。老旦  
保母上。呵呀。娘娘不好了。總兵麻貴攻城被哮拜父子將  
滾木礮石打下。又擲火燒死官兵無數。聞得賊子就要來  
搜括王府金帛哩。貼小旦哭介。哎呀。天那。霎時鳳耦龍駒。  
便成孤寡。管什麼金銀搜刮。拔劍自刎。老旦奪救介。娘娘  
不可性急。此間有一土窖。娘娘可同小千歲暫且藏在下  
面。可將冠帔放于井上。待老婢伏井大哭。或者騙過一時。

懷齊衣行酒  
昔尚有男子  
心

餘而飽

貼保母家國如此何以生爲不如就此投井罷老旦抱住  
介王爺雖被賊劫去斷斷不敢加害將來回府團聚有時  
萬勿輕生小旦娘娘依了保母罷貼脫冠帶挂井欄携子  
哭介兒呀我和你生長錦繡叢中炊金饌玉今乃作此舉  
止可不痛殺人也搥胸大哭介內喊震介老旦事急矣娘  
娘屈尊快些下去貼親兒呀痛心地道裡埋娘罷保母呀  
痛心大隧裡招魂罷

全小旦下老旦伏井哭介丑引兵上

縷縷金金枝葉玉根芽一羣嬌鳥亂共啼花吹老婆子哭



無聚不散如  
有如聚

什麼老旦方纔娘娘同世子投人井內老婢子捨不得故  
爾痛傷丑噫娘娘投井死了敢是哄我的嗎老旦這不是  
娘娘冠帔麼你若不信叫人打撈便了丑可惜可惜也罷  
軍士們可把宮內金銀絲緞及年幼女子一併裝上車輛  
送到我府中去者衆應介聚歛心空費多年積下和盤托  
出送人家花押不勞畫花押不勞畫

全下老旦好了賊兵已去娘娘請出來罷小旦衣沾泥  
土上保母賊去了麼娘娘快出來呀怎麼不應待我再  
下去看來下卽上介保母不好了娘娘氣絕了老旦哎

妙哀詞

呀同大哭介娘娘呀

越恁好深深埋玉深深埋玉藁葬借泥沙漆燈金盃無藏  
處散官娃小秦王曲吹暮笳魂歸月下銘旌字誰結箇靈  
堂挂容衣像誰向那泉臺畫

老旦世子不必過傷逃生要緊改裝介

尾聲將珊瑚寶玦藏腰下五陵王氣看猶佳咳怎得箇破  
虜將軍把勃勃拿全下

第九齣 送尉

生冠帶本  
藍袍上詩

一疏春浮瘴海涯五年山縣寄蓮花已拚姓氏

無人識檢點封章得內家。下官湯顯祖。因星變求言。抗  
論時事。謫貶廣東雷州徐聞縣典史。不覺數載。昨接邸  
報。陞授浙江遂昌縣令。笑介作此寂寂。徒令鄧禹笑人。  
與世悠悠。敢謂鮑君知我。浮沉總歸一致得失。久已兩  
忘。既沐朝廷見用之恩。且盡父母斯民之職。小廝雜有  
生半肩行李。一馬一夫。可曾完備。雜收拾才了。有貴生  
書院肄業秀才在外求見。生請來。雜應請介外。小生巾  
服上子。產本爲民母。文翁兼作經師。難挽飛鳧去。烏請  
看墮泪殘碑。老父師在上門生輩。特來拜送。生請坐。外

老父師久屈海濱得遷花縣固是蒼生之福但門牆依戀情深不能自解小生尙求片言訓誨使小子輩終身服膺不致墮落感何可言生善哉諸生之請也僕生四十餘矣少時血氣未定喜讀非聖之書所游四方輒交其氣誼之士蹈厲靡衍幾失本性久之自省有得所以爲諸生諄諄指示凡人之所貴者吾生之理仁孝之心也苟不知吾生與天下之生可貴則仁孝之心盡死雖存若亡是自賤其生矣諸生能各全其仁孝之心則其生可貴斯不愧爲人耳

悲天憫人耽  
耽如見

仙呂過曲八聲甘州心長世短嘆乾坤戲劇優孟衣冠貪榮嗜  
利眼花頭白難完君親抱慙已蓋棺富貴多虞猶叩槃疑  
團問天公可被遮瞞

外性天之學既聞命矣敢問文章以何爲貴生僕學道  
未成而學爲文學文無成而學詩賦學詩賦無成轉而  
學道然終未能忘情所習竊謂漢宋文章各極其趣學  
宋人不成不失類鶩學漢文不成却恐類狗本朝文字  
當以宋景濂爲宗李獻吉李于鱗雖氣力強弱巨細不  
同等贗文耳向在南都會取王鳳洲文集指摘其中用

定論不磨

曹公名賈似  
自欺耳

事出處及增減史漢唐詩字面後來鳳洲笑曰湯生標  
塗吾文異日亦必有標塗湯生之文者僕未嘗不嘆鳳  
洲爲達人也

前腔篇成各自觀笑還珠買積眩篋探凡英雄欺世久之  
畢竟難瞞胸中既無真氣蟠筆下焉能力量完眉攢恨盲  
稱瞎贅無端

外小生深荷先生訓迪門生輩暫且告退少頃在郵亭  
候送則个揖介生不消了外小生平生不負所學臨別  
贈人以言下生小厮騎馬伺候就此起行者下扮父老

此篇虛寫術  
吏斷折無遺

二人持香上

仙呂入  
雙調

孝南歌恩官去魂暗銷耆民白頭珠淚拋家室免

逋逃閭閻無賊盜陞遷太早生騎馬雜挑行李隨上去海

已十里看山猶萬重父老拜介湯爺認真去了虧你撇得

下小人們一班老民喲哭介生洒泪介父老們此乃官程

所限不能再留自今以後各自頤養壽命約束子孫做好

人莫被官司筆撻便不負我數年愛惜之意去罷父老哭

拜介多謝湯爺我們各備百錢求爺收受生昔年劉寵選

受一錢我並此不用你們留着買些甘旨罷生父老共號

咷焉能戀爾曹父老把龍鍾人慟倒

下扮二婦二兒上

前腔恩官去魂暗銷婦女嬰兒珠淚拋茆舍廢蠶繅斜陽  
讀書了行裝太早拜介老爺遲些去罷我們實在捨不得  
生婦女們自後務須孝順公婆尊敬丈夫勤儉操持未可  
懶惰兒童們當聽父母教訓長大成人各務生理不可游  
蕩女多謝教導小婦人織得雷葛幾疋獻與老爺見小子  
們採得些檳榔荔枝上獻老爺生都不消如此去罷衆哭  
介生婦女共號咷焉能庇爾曹衆把村姑們慟倒



良民向化是

何感乎

下扮黎人蛋戶上

前腔恩官去魂暗銷黎人蛋家珠淚拋水窟遁鯨鯨頑民  
解忠孝登程太早拜介小的們海邊蛋戶山內黎人感翁  
多年教訓特地趕來拜送些須沉香海味求翁收受生好  
你們知道尊敬官長向化守業共享太平之福便是良民  
以後不可改變去罷眾哭介生異族共號咷焉能棄爾曹  
眾把海濱人慟倒

下扮二乞丐上

前腔恩官去魂暗銷窮民乞兒珠淚拋枷鎖脫監牢飢寒

積匪草必是

不爲盜收心太早拜介我們都是積賊蒙爺教訓改過多年爺去後只怕新四衙來又要叫馬快們從新要比較規禮小人們就死了哭介生不妨這些捕役我已教訓他們奉公守法即使新官要難爲你們他也不肯照從前作踐爾等衆天下四衙靠馬快過活馬快靠賊過活那有爺這等好官哪生但能永做良民自有鬼神默佑斷無意外之禍去罷匪類共號咷焉能飯爾曹衆把奇窮人慟倒

下生咳看了這番光景教人心下好生惆悵也正是從來只有民情厚無奈貪官若寇仇下

第十齣 殉夢

掛旁看出異  
樣分明

是死症

場上設帳老旦  
慢筆視上三疊引  
懨懨奇病看看緊守定新詞一本  
不顧死和生拚把芳心傷盡

老身俞家養娘我家二姑因讀牡丹亭感念那湯爺染  
成一病神思恍惚意態迷離時而對影喃喃時而書空  
咄咄若說他有病何嘗枕蓆沉淪若說他無病却又姿  
容消瘦看他愁苦將成倩女離魂叩彼情懷不為春游  
感夢真是無藥可醫無人能解咳我只恨那箇作業湯  
爺你好端端造言生事做出這樣勾魂攝魄的文字來

害煞我家二姑也。

劃清界限

巧傷

寫保母機情  
總是月情

九迴腸

解三

沒來由恁般迷悶。沒來由這等酸辛。若說爲

憐才慕色。加沉頓。他從來不解傷春。此地來求婚者紛紛。

托老身作伐。我偶然提起。他便更加氣苦。這是什麼意思。

早難道蠹魚不許鰥魚。近鴻案難將雪案親。魑魅地容光。

褪。就是杜麗娘。他還做了一個好夢。我二姑真可憐也。三

那里有亭邊夢裡會相認。向虛無攬下愁根。倘然有些

不幸呵。便給與隨風一顆遊仙印。料沒個聽雨三更叫畫。

人。若是留得員外安人在時呵。急三免得我殘燈畔把心。

錄

滴滴歸源

酸。盡。只。恐。怕。梅。花。下。又。添。座。女。郎。墳。

今日天氣和暖待我扶他出來坐坐扶小旦持書上坐

幔中介小旦養娘欄外開的是什麼花老旦這是一朵

五字中天荒  
地老

牡丹你可要摘來供向瓶內麼小旦哎由他自開罷泣

介老旦呀好端端看花怎又傷心起來小旦咳養娘呀

從牡丹引

巫山十二峯

三仙橋

落紅霏霏成陣亂年光纔一瞬便天香

義不泛疎

國色料無人第品

白練序

花信到幾分算人與花枝作後身

都成恨怕催粧雨急卸粧風緊老旦那杜小姐之病是向

夢中起的你又不曾夢見湯爺却是為何小旦我原不會

字字華嚴法界來

低微二字是棒喝

迷離現脫

有病那得有夢那湯先生是一個奇男子他豈肯容易入  
人夢中我是一個蓬門孤女又豈敢容易夢見他來啲醉太  
平評論心兒自忖笑蟲蟲蟻蟻才子佳人沾泥漬水低微  
煞暮雨朝雲老旦如此說二姑是不曾有病的了小旦我  
怎麼沒病老旦請問是什麼病呢小旦含蘊普天樂眉峯翠  
壓心頭悶一點真愁難藏隱也非關氣候寒溫又何辭容  
顏瘦損這精靈由他自轉風輪老旦這本牡丹亭畢竟如  
何作怪把你害得如此小旦咳養娘這是他自寫情懷之  
作何會有什麼杜小姐若論那柳郎君不過一個貪名好

大聲疾呼一  
棒打煞

咄咄書空未  
煩索解

恨淚成河不  
堪卒讀

色之人雖極力寫他却是極力罵他呢犯胡求名看寶無

身分秋風一棍縱然帽壓官花被桃條敲的狠至于遇鬼

開墳無非可發一笑香遍甚河東舊族倚他王叔文貪着

箇鬼嬋娟畢竟把東床認老旦如此說你爲甚吟哦圈點

不忍釋手哩小旦養娘此中會心如何與你說得明白瑣

寒歎天生這個湯君但把文章泣鬼神讓和戎總制報信

黃門劉發憐他代管閻羅印喜又嗔把燕和鶯都安頓咳

世無湯君生我何爲世有湯君我生何樂抱書本哭介三

頭茫茫大千恁般方寸憑誰慰藉只形骸自親老旦那湯

寫佳人沉痛  
絕非俗態

爺已非年少聞他兒女成行卽令你得見他難道可以屈  
居副室麼小旦笑介養娘說出這等痴語來男女雖則異  
形性天豈有分別人生所貴相知者此心耳古人云得一  
知己死可不恨何必定成眷屬乎此事何須相溷這其間  
只是我不合來塗脂傅粉我死後你托張許二位相公將  
我手批這個曲本千萬寄與那湯老爺不可錯誤賀新郎  
官人也爲我心傷盡權當寫文簫韻高節這硃痕共墨痕  
漬啼痕是兒家短命銷魂本前世因今生運好心疼人遠  
天涯近哭暈介老旦呀不好了二姑醒來快醒來我扶你



人之大患在  
于有身鬼之  
大患在于有  
形

何果能真僕  
則無死

床上睡去。小旦醒介。養娘咳我魂銷不盡。你漫溫存不願  
乞還魂。

老旦扶下。卽上。哎呀。二姑上床。卽氣絕了。可憐可憐我。  
一面與他殯殮。一面將此曲本送與張許二位相公。寄  
與湯爺去。恨介。哽活錚錚一個如花似玉的二姑。則被  
這幾頁破書斷送了。我好恨哪。

尾聲。人間只有情難盡。他情外生情。特認真。咳湯老爺呀。  
不知你得了這一箇知音。你死也肯未肯下。

臨川夢傳奇卷上終